

**- SENAT -**

Broj: 01-11-45/24

Sarajevo, 26. 06. 2024. godine

Na osnovu člana 61., a u vezi sa članom 107. Zakona o visokom obrazovanju („*Službene novine Kantona Sarajevo*“ broj: 36/22) i člana 64., a u vezi sa članom 174. Statuta Univerziteta u Sarajevu, Senat na 70. redovnoj sjednici održanoj 26. 06. 2024. godine, *donosi*

ODLUKU
O BINTIM ELEMENTIMA UGOVORA O STUDIRANJU

I

Ugovor o studiranju za stručni, prvi, drugi, integrisani, specijalistički i treći ciklus studija (u daljem tekstu: ugovor o studiranju) zaključuje se između članice Univerziteta u Sarajevu (u daljem tekstu: članice) i studenta prilikom upisa na studijski program Univerziteta u Sarajevu za ciklus studija, a radi regulisanja međusobnih prava i obaveza između studenta upisanog na studijski program i članice.

II

Ugovor o studiranju obavezno sadrži sljedeće elemente:

- a) Osnovne podatke o ugovornim stranama (studenta upisanog na određeni studijski program i dekana/direktora članice koji rukovodi poslovanjem članice),
- b) Prava i obaveze ugovornih strana,
- c) Finansijske obaveze studenta,
- d) Sticanje i prestanak statusa studenta,
- e) Izmjene i dopune ugovora o studiranju,
- f) Prestanak važenja ugovora.

III

Osnovni podaci o ugovornim stranama treba da sadrže ime, prezime, datum rođenja, JMBG za studenta upisanog na studijski program/ili drugi identifikacioni broj, te naziv članice, ime dekana/direktora koji zastupa članicu i sjedište članice.

IV

Prava i obaveze ugovornih strana utvrđena su Zakonom o visokom obrazovanju, Statutom i Pravilima studiranja za prvi i drugi ciklus studija, integrisani studij, stručni i specijalistički studij te Pravilima studiranja za treći ciklus studija i ista treba da budu sadržana u ugovoru o studiranju.

V

Troškovi studija podrazumijevaju upisninu i školarinu te druge troškove studija na Univerzitetu u Sarajevu utvrđene odlukama Upravnog odbora Univerziteta u Sarajevu i Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu („Službene novine Kantona Sarajevo“, broj: 19/09, 31/12, 36/12, 4/15, 15/15, 16/18, 21/18 i 25/21).

U ugovoru o studiranju obavezno se navodi iznos školarine koju su dužni plaćati studenti koji sami snose troškove studija u svim statusima i svim ciklusima studija te stručnom i specijalističkom studiju, kao i način plaćanja školarine: jednokratno ili u ratama a u skladu sa Instrukcijom o razvrstavanju i načinu uplate javnih vlastitih prihoda Univerziteta/članica, broj: 02-1-2/24 od 09. 01. 2024. godine, kojom je utvrđeno razvrstavanje i način uplate prihoda koje članice Univerziteta u Sarajevu ostvaruju obavljanjem svoje osnovne djelatnosti i koji predstavljaju javne prihode Budžeta Kantona Sarajevo (prvi, drugi i integrisani studij), javne vlastite prihode članica Univerziteta (stručni, specijalistički i treći ciklus studija), tekuće transfere i donacije, kapitalne transfere i ostale vrsta prihoda Univerziteta/članica a vezi sa Pravilnikom o javnim vlastitim prihodima Univerziteta u Sarajevu, broj: 02-45-2/23 od 11. 12. 2023. godine.

Ostali iznosi troškova poput upisnine za obnovu godine, iznos uplate za razvoj informacionog sistema i informacione infrastrukture na Univerzitetu u Sarajevu i drugo, ne moraju biti sadržani u ugovoru o studiranju ali trebaju biti javno objavljeni i dostupni na web stranicama/oglasnim pločama članica. Student ne može pohađati nastavu niti polagati ispite ukoliko nije uplatio školarinu/upisninu. Student ne može obnoviti godinu, niti upisati narednu, ukoliko nije izmirio finansijske obaveze.

VI

Ukoliko se uplata iznosa školarine vrši u ratama, u ugovoru je obavezno naznačiti rokove za uplatu pojedinačne rate i to na način da se uplata prve rate za studente koji upisuju prvi, drugi i integrisani studij vrši prilikom upisa studijske godine a najkasnije pet dana prije početka akademske godine i druga rata uplaćuje se najkasnije 5 dana prije početka nastave u ljetnom semestru.

Za studente koji upisuju treći ciklus studija, stručni i specijalistički studij, članice mogu vršiti prilagodbu u dijelu ugovora o studiranju koji se odnosi na rokove uplate školarine, na način da se uplata rate školarine vrši prilikom upisa a najkasnije 10 dana prije početka nastave u zimskom semestru, odnosno druga rata najkasnije 10 dana prije početka nastave u ljetnom semestru.

Student koji je u prvom upisnom roku uplatio ratu školarine a koji napusti studij prije početka nastave u akademskoj godini, može podnijeti zahtjev za povrat do tada uplaćenog iznosa na ime školarine. Zahtjev za povrat uplaćenih sredstava na ime školarine podnosi se najkasnije 15 dana prije početka akademske godine. Ukoliko student napusti studij nakon početka akademske godine, članica zadržava iznos do tada uplaćenih sredstava, uz obavezu studenta kojem je uplata školarine odobrena u ratama da izmiri preostale troškove školarine za tekuću godinu. Iznos školarine uplaćuje se na jedinstveni račun trezora u skladu sa Instrukcijom o razvrstavanju i načinu uplate javnih vlastitih prihoda Univerziteta/članica iz člana V ove odluke.

VII

Datum uplate školarine smatra se početak konzumiranja statusa studenta. Studentu se ne mogu izdati statusne potvrde bez prethodno uplaćene školarine. Status studenta prestaje na način utvrđen Statutom Univerziteta u Sarajevu i Pravilima studiranja.

VIII

Pored bitnih elemenata, ugovor o studiranju može sadržavati i druge elemente kojima se regulišu pitanja od značaja za studij kao što su pitanje autorskog prava i vlasništva na studentskim radovima umjetničke produkcije na akademijama, rješavanje sporova, izmjene i dopune ugovora o studiranju i druga pitanja.

IX

Ugovor o studiranju stupa na snagu potpisivanjem od strane obje ugovorne strane i proizvodi pravne učinke do završetka ciklusa studija/ispisa sa studija odnosno prestanka statusa studenta upisanog na studijski program.

X

Sastavni dio ove odluke je primjerak ugovora o studiranju, a isti sa Zakonom o visokom obrazovanju, Instrukcijom o razvrstavanju i načinu uplate javnih vlastitih prihoda Univerziteta/članica, broj: 02-1-2/24 od 09. 01. 2024. godine i drugim važećim općim aktima Univerziteta/članice usklađuju nadležne službe članice Univerziteta.

XI

Svi pojmovi muškog ili ženskog roda upotrijebljeni u ovoj odluci koriste se neutralno i odnose jednako na muški i na ženski rod.

XII

Ova odluka stupa na snagu danom donošenja i primjenjuje se od akademske 2024/2025. godine, odnosno studente upisane u akademsku 2024/2025. godinu. Stupanjem na snagu ove odluke, prestaje da važi Pravilnik o bitnim elementima ugovora o studiranju za studente koji studiraju u skladu sa bolonjskim sistemom na fakultetima/akademijama Univerziteta u Sarajevu, broj: 01-1095-1/18 od 12.10.2018. godine sa pratećim obrascima, a ranije zaključeni ugovori o studiranju ostaju na snazi do okončanja studijskog programa na koji je student bio upisan uz obavezu njihovog usklađivanja sa ovom Odlukom u vidu aneksa ugovoru.

O b r a z l o ž e n j e

Stupanjem na snagu Zakona o visokom obrazovanju 2017. godine utvrđena je obaveza zaključivanja ugovora o studiranju između studenta upisanog na studijski program i visokoškolske ustanove/članice. Cijeneći navedenu obavezu, Univerzitet u Sarajevu donosi Pravilnik o bitnim elementima ugovora o studiranju za studente koji studiraju u skladu sa bolonjskim sistemom na fakultetima/akademijama Univerziteta u Sarajevu, broj: 01-1095-1/18 od 12.10.2018. godine sa pratećim obrascima ugovora o studiranju za sve cikluse studija.

Stupanjem na snagu Zakona o visokom obrazovanju („*Službene novine Kantona Sarajevo*“ broj: 36/22) obaveza zaključivanja ugovora o studiranju ostaje nepromijenjena, međutim, odredbama novog Zakona o visokom obrazovanju utvrđene su određene izmjene u smislu rokova plaćanja školarine na način da je studentima upisanim na studijski program omogućena obročna uplata školarine u toku studijske godine i to posebno za svaki semestar.

Nadalje, Instrukcijom o razvrstavanju i načinu uplate javnih vlastitih prihoda Univerziteta/članica, broj: 02-1-2/24 od 09. 01. 2024. godine, utvrđeno je razvrstavanje i način uplate prihoda koje članice Univerziteta u Sarajevu ostvaruju obavljanjem svoje osnovne djelatnosti i koji predstavljaju javne prihode Budžeta Kantona Sarajevo (prvi, drugi i integrisani studij), javne vlastite prihode članica Univerziteta (stručni, specijalistički i treći ciklus studija), tekuće transfere i donacije, kapitalne transfere i ostale vrsta prihoda Univerziteta/članica.

Shodno činjenici da su članice Univerziteta u proteklom periodu različito postupale za zahtjevima za povrat sredstava na ime školarine/rate školarine studentima koji su se ispisali sa upisanog studijskog programa prije početka akademske godine, kao i donošenje gore navedene Instrukcije, iskazana je potreba za stavljanjem van snage Pravilnika o bitnim elementima ugovora o studiranju za studente koji studiraju u skladu sa bolonjskim sistemom na fakultetima/akademijama Univerziteta u Sarajevu, broj: 01-1095-1/18 od 12.10.2018. godine.

Cijeneći navedeno, donesena je odluka kao u dispozitivu.



Dostavljeno:

- Članicama Univerziteta u Sarajevu
- Službi za nastavu i studentska pitanja
- U dokumentaciju Senata
- Arhivi

UGOVOR O STUDIRANJU

U skladu sa članom 107. Zakona o visokom obrazovanju („Službene novine Kantona Sarajevo“, broj: 36/22), članom 174. Statuta Univerziteta u Sarajevu, Pravilima studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu, Odlukom Senata Univerziteta u Sarajevo broj: 01-11-45/24 od 26. 06. 2024. godine o bitnim elementima ugovora o studiranju i Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu („Službene novine Kantona Sarajevo“, br.: 19/09, 31/12, 36/12, 4/15, 15/15, 16/18, 21/18 i 25/21), ugovorne strane:

1. UNIVERZITET U SARAJEVU-_____ (naziv članice) (u daljnjem tekstu: članica),

sa sjedištem u _____ (adresa članice), zastupan od dekana/direktora,

_____, i

2. STUDENT _____ (ime i prezime) (u daljnjem tekstu: student),

rođen/a _____ (datum rođenja) godine u _____ (mjesto rođenja), JMBG* (ili neki

drugi identifikator) _____, upisan/a akademske _____ godine u

_____ (I, II, III, integrisani, stručni, specijalistički) ciklus studija, u statusu _____ (redovnog, rsf,

vanrednog, DL) studenta, zaključuju:

UGOVOR O STUDIRANJU

za _____ (I, II, III, integrisani, stručni, specijalistički)

Predmet ugovora

Član 1.

Predmet ovog ugovora je reguliranje međusobnih prava i obaveza između članice i studenta.

Prava i obaveze članice

Član 2.

Članica se obavezuje da studentu obezbijedi uvjete za prisustvo i praćenje nastave, polaganje ispita u propisanim ispitnim rokovima, stjecanje diplome i odgovarajućeg stručnog/naučnog/umjetničkog zvanja po okončanju studija u skladu sa studijskim programom, kao i druga prava utvrđena Zakonom o visokom obrazovanju Kantona Sarajevo, Statutom Univerziteta u Sarajevu, Pravilima studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu i drugim važećim aktima Kantona Sarajevo, Univerziteta u Sarajevu i članice.

Član 3.

Članica ima pravo da od studenta naplati školarinu, upisninu kao i druge naknade koje uključuju naknadu za razvoj informacionog sistema i informacione infrastrukture na Univerzitetu u Sarajevu i druge usluge utvrđene aktom Osnivača kojim se uređuje visina participacije.

UGOVOR O STUDIRANJU

Prava i obaveze studenta

Član 4.

U skladu sa Zakonom o visokom obrazovanju Kantona Sarajevo, Statutom Univerziteta u Sarajevu i Pravilima studiranja, student ima sljedeća prava:

- a) prisustvovanje svim oblicima nastave,
- b) kvalitetan nastavni proces u skladu sa usvojenim planom i programom,
- c) blagovremeno i tačno informiranje o svim pitanjima koja se odnose na studij,
- d) da na transparentan način bude upoznat o rasporedu nastave i ispitnim terminima na nivou studijske godine i to u prve dvije sedmice studijske godine,
- e) ravnopravnost u pogledu uvjeta studija i tretmana na visokoškolskoj ustanovi kao i na povlastice koje nosi status studenta,
- f) različitost i zaštitu od diskriminacije,
- g) pravo na zdravstvenu zaštitu u skladu sa Zakonom,
- h) korištenje biblioteke i drugih usluga koje se pružaju studentima na visokoškolskoj ustanovi, a u skladu sa općim aktima članice/Univerziteta,
- i) konsultacije i pomoć akademskog osoblja u savladavanju nastavnog sadržaja, a posebno pri izradi završnog rada,
- j) slobodu mišljenja i iznošenja ličnih stavova koji su u vezi sa nastavnim sadržajem u toku realiziranja nastavnog procesa,
- k) evaluaciju rada akademskog osoblja,
- l) priznavanje i prijenos bodova između visokoškolskih ustanova s ciljem osiguranja mobilnosti,
- m) učešće u postupku izbora za studentsko predstavničko tijelo i druga tijela ustanovljena Statutom Univerziteta u Sarajevu,
- n) sudjelovanje u radu studentskih organizacija,
- o) sudjelovanje u radu i odlučivanju tijela fakulteta/akademije u skladu sa Statutom,
- p) završiti studijski program po kojem je upisan na fakultet/akademiju Univerziteta u Sarajevu u roku trajanja jednog ciklusa studija plus dvije studijske godine,
- q) zaštitu u slučaju povrede nekog od njegovih prava na način utvrđen Zakonom i Statutom,
- r) druga prava predviđena Statutom i drugim općim aktima Univerziteta ili fakulteta/akademije.

Član 5.

- (1) Student ima pravo završiti studijski program na koji je upisan u roku ne dužem od njegovog nominalnog trajanja produženog za dvije akademske godine.
- (2) Članica zadržava pravo izmjena i dopuna nastavnog plana i programa u skladu sa Zakonom o visokom obrazovanju Kantona Sarajevo i Statutom Univerziteta u Sarajevu i ne može se primjenjivati retroaktivno, u smislu utvrđivanja dodatnih obaveza studentu i to za studijsku godinu koju je student uspješno okončao te za tekuću studijsku godinu.
- (3) O izmjenama i dopunama nastavnog plana i programa članica je dužana blagovremeno informirati studenta.
- (4) Nastavni plan i program u formi tabele ili ECTS kataloga/informacijskog kataloga može biti sastavni dio ugovora o studiranju.

Član 6.

Student koji studira na članici Univerziteta u Sarajevu ima sljedeće obaveze:

- a) pridržavati se Pravila studiranja koja je propisao Univerzitet u Sarajevu,
- b) ispunjavati nastavne i druge obaveze studenta,
- c) iskazivati poštovanje prema pravima akademskog i neakademskog osoblja, kao i pravima drugih

UGOVOR O STUDIRANJU

studenata na članici,

- d) uredno izvršavati svoje studijske obaveze i učestvovati u akademskim aktivnostima,
- e) poštivati kućni red, etički kodeks i kodeks ponašanja i oblačenja,
- f) postupati savjesno sa imovinom članice, a u slučaju nesavjesnog postupanja i pričinjene materijalne štete dužan je istu nadoknaditi u skladu sa odlukom vijeća članice,
- g) druge obaveze utvrđene Zakonom, Statutom ili drugim aktom Univerziteta u Sarajevu,.

Finansiranje studija

Član 7.

- (1) Jedinične cijene usluga, upisnina i školarina utvrđene su odlukama Upravnog odbora Univerziteta u Sarajevu i Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo", broj: 19/09, 31/12, 36/12, 4/15, 15/15, 16/18, 21/18 i 25/21).
- (2) Iznos upisnine, po osnovu Odluke iz prethodnog stava, uplatit će se prilikom upisa u odgovarajuću godinu studija, ukoliko važećim aktima nije utvrđeno drugačije.

Školarina u iznosu _____ KM (redovnog, vanrednog, rsf., DL-studija), po osnovu Odluke o visini

Participacije/Odluke Upravnog odbora Univerziteta u Sarajevu, uplatit će se:

***Za I,II i integrisani studij**

- a) jednokratno, u punom iznosu prilikom upisa u odgovarajuću godinu studija,
- b) u dvije rate:
 - Prva rata u iznosu _____ uplaćuje se:
 - a) prilikom upisa prve godine studija
 - b) najkasnije 5 dana prije početka akademske godine.
 - Druga rata u iznosu _____ uplaćuje se najkasnije 5 dana prije početka nastave u ljetnom semestru (u skladu sa Akademskim kalendarom)

***Za stručni, specijalistički i III ciklus studija**

- a) jednokratno, u punom iznosu prilikom upisa u odgovarajuću godinu studija,
- b) u dvije rate:
 - Prva rata u iznosu _____ uplaćuje se:
 - a) prilikom upisa prve godine studija
 - b) najkasnije 10 dana prije početka akademske godine.
 - Druga rata u iznosu _____ uplaćuje se najkasnije 10 dana prije početka nastave u ljetnom semestru

- (3) Uplata školarine i upisnine vrši se na jedinstveni račun trezora, u skladu sa Instrukcijom o razvrstavanju i načinu uplate javnih vlastitih prihoda Univerziteta/članica, broj: 02-1-2/24 od 09. 01. 2024. godine, kojom je utvrđeno razvrstavanje i način uplate prihoda koje članice Univerziteta u Sarajevu ostvaruju obavljanjem svoje osnovne djelatnosti i koji predstavljaju javne prihode Budžeta Kantona Sarajevo, javne vlastite prihode članica Univerziteta, tekuće transfere i donacije, kapitalne transfere i ostale vrsta prihoda

UGOVOR O STUDIRANJU

Univerziteta/članica a vezi sa Pravilnikom o javnim vlastitim prihodima Univerziteta u Sarajevu, broj: 02-45-2/23 od 11. 12. 2023. godine.

Član 8.

Troškovi participacije cijena usluga članica koji nisu obuhvaćeni članom 7. ovog ugovora padaju na teret studenta, shodno Odluci Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu.

Član 9.

Student ne može upisati narednu studijsku godinu, polagati ispite iz bilo kojeg predmeta u semestru, ukoliko nije uplaćena školarina na način predviđen članom 7. ovog ugovora.

Član 10.

- (1) Ukoliko student ne izvrši uplatu školarine u rokovima utvrđenim Odlukom Senata, članica će ga pisanim putem upozoriti na njegovu obavezu plaćanja.
- (2) Ukoliko student i nakon upozorenja ne uplati zaostalu školarinu, članica može raskinuti ovaj ugovor te pokrenuti postupak s ciljem naplate dugovanja.

Član 11.

- (1) Student koji je uplatio školarinu, a koji odluči da se ispiše sa studijskog programa prije početka nastave u akademskoj godini za koju je školarina uplaćena, ima pravo na povrat uplaćenih sredstava i može podnijeti zahtjev za povrat uplaćenog iznosa na ime školarine. Zahtjev za povrat uplaćenih sredstava na ime školarine podnosi se najkasnije 15 dana prije početka akademske godine.
- (2) Ukoliko student nakon početka akademske godine napusti studij, članica zadržava iznos do tada uplaćenih sredstava na ime školarine, uz obavezu studenta kojem je uplata školarine odobrena u ratama da izmiri preostale troškove školarine za tekuću godinu studija.

Važenje ugovora

Član 12.

Ovaj ugovor stupa na snagu danom potpisivanja i važi do završetka ciklusa studija.

Ostale odredbe

Član 13.

Na odnose koji nisu regulirani ovim ugovorom primijeniti će se odredbe Zakona o visokom obrazovanju Kantona Sarajevo, Statuta Univerziteta u Sarajevu, Pravila studiranja i drugih važećih akata.

Član 14.

Eventualne izmjene ovog ugovora će se definirati aneksom ugovora.

Član 15.

- (1) Ugovorne strane saglasne su da eventualne sporove prvenstveno rješavaju mirnim putem.
- (2) U slučaju da nastali spor stranke ne riješe sporazumno, nadležan je Općinski sud u Sarajevu.

UGOVOR O STUDIRANJU

Član 16.

Ovaj ugovor se sačinjava u dva istovjetna primjerka, od kojih svaka ugovorna strana zadržava po jedan ugovor.

STUDENT/ICA

FAKULTET/AKADEMIJA

Ime i prezime studenta, JMBG*

Dekan/ica

Sarajevo, datum:

